

而常親近若有无智樂欲戲論及鬪諍者即皆遠離五者常樂  
 清淨徒眾與共住止所至之處亦不別眾獨寢一室若有此者  
 名為病人如世病人為病所惱常樂獨處不顧親近眷屬知識  
 不樂眾者亦復如是二智患者若有持戒電那勿等內懷智性  
 者當知是師有五記驗一者常樂讚歎清淨有智惠人及樂清  
 淨智惠徒眾同會一處心生歡喜常無厭離二者若已智根見  
 解狹劣聞他智者智惠言語心無姤嫉三者諸有業行常當勤  
 勉心不懈怠四者常自勤學智惠方便諸善威儀亦勸餘人同  
 共修習五者於其禁戒慎懼不犯若悞犯者速即對眾發露陳  
 悔

三常勝者若有清淨電那勿等內懷勝性當知是師有五記驗  
 一者不樂讒謠詭報怨恨如有是人亦不親近二者不樂鬪諍譴亂